

TERHAD



PEKELILING PERKHIDMATAN BILANGAN 5 TAHUN 2019

BANTUAN KHAS KEWANGAN TAHUN 2019

TUJUAN

1. Pekeliling Perkhidmatan ini bertujuan melaksanakan keputusan Kerajaan untuk memberi Bantuan Khas Kewangan tahun 2019 kepada pegawai Perkhidmatan Awam Persekutuan yang dikeluarkan melalui Pekeliling Perkhidmatan Bilangan 6 Tahun 2019 yang mana pelaksanaannya diterima pakai di Universiti Malaysia Terengganu (UMT) dengan beberapa pindaan yang berkaitan.

LATAR BELAKANG

2. Kerajaan telah memutuskan supaya Bantuan Khas Kewangan Tahun 2019 dibayar kepada pegawai di Gred 56 dan ke bawah sebanyak RM500.00 dan turut dipanjangkan kepada pesara Kerajaan yang menerima pensen sebanyak RM250.00.

3. Pekeliling Perkhidmatan ini adalah bagi maksud menjelaskan mengenai kaedah pelaksanaan Bantuan Khas Kewangan Tahun 2019.

PELAKSANAAN

4. Bantuan Khas Kewangan Tahun 2019 sebanyak RM500.00 diberi kepada pegawai di Gred 56¹ dan ke bawah dengan syarat bahawa pegawai masih berkhidmat sehingga 18

¹ Pegawai di Gred 56 atau setara. Tidak termasuk pegawai yang sedang memangku di Gred Utama/Khas.

TERHAD

Disember 2019 dan berada dalam perkhidmatan sekurang-kurangnya 30 hari berturut-turut dalam tempoh 1 Januari 2019 hingga 18 Disember 2019.

5. Tempoh 30 hari berturut-turut adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2019 hingga 18 Disember 2019.

PEGAWAI YANG LAYAK

6. Tertakluk kepada perenggan 4 dan 5 di atas, pegawai yang layak diberi Bantuan Khas Kewangan Tahun 2019 adalah seperti berikut:

6.1 pegawai lantikan tetap, sementara dan *contract of service*²;

6.2 pegawai yang bercuti bergaji penuh;

6.3 pegawai yang bercuti separuh gaji;

6.4 pegawai yang bercuti tanpa gaji; dan

6.5 pegawai yang dipinjamkan termasuk ke agensi yang diasingkan pengurusan saraannya. Bantuan Khas ini akan dibayar oleh agensi yang menerima peminjaman pegawai.

7. Bantuan Khas Kewangan Tahun 2019 juga dipanjangkan kepada:

7.1 pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya.

PEGAWAI YANG TIDAK LAYAK

8. Pegawai yang tidak layak diberi Bantuan Khas Kewangan Tahun 2019 adalah:

² Bagi pegawai di bawah *contract for service*, surat edaran berasingan akan dikeluarkan oleh Kementerian Kewangan.

TERHAD

- 8.1 pegawai dalam Kumpulan Pengurusan Tertinggi dan setaraf termasuk pegawai yang memangku, dipinjam/ tukar sementara dan penempatan khas (KUPD) ke Gred Jawatan Utama/ Gred Khas;
- 8.2 pegawai yang berkhidmat kurang daripada 30 hari berturut-turut dalam tempoh 1 Januari 2019 hingga 18 Disember 2019;
- 8.3 pegawai yang bercuti separuh gaji/ tanpa gaji sepanjang tempoh 1 Januari 2019 hingga 18 Disember 2019;
- 8.4 pegawai yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tempoh 1 Januari 2019 hingga 18 Disember 2019;
- 8.5 pegawai yang dikenakan hukuman tatatertib dalam tempoh 1 Januari 2019 hingga 18 Disember 2019;
- 8.6 pegawai yang ditamatkan perkhidmatan demi kepentingan awam dalam tempoh 1 Januari 2019 hingga 18 Disember 2019; dan
- 8.7 pegawai yang meletak jawatan dalam tempoh 1 Januari 2019 hingga 18 Disember 2019.

PEGAWAI YANG DITANGGUHKAN BANTUAN KHAS KEWANGAN

9. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib ditangguhkan Bantuan Khas Kewangan Tahun 2019 ini. Pegawai hanya layak diberi Bantuan Khas Kewangan Tahun 2019 sekiranya Pihak Berkuasa Tatatertib mendapati pegawai tersebut tidak bersalah.

PEKERJA SAMBILAN HARIAN (PSH)

10. Bantuan Khas Kewangan Tahun 2019 sebanyak RM500.00 dipanjangkan kepada PSH yang masih berkhidmat pada 18 Disember 2019 dengan syarat tempoh kontraknya telah berkuat kuasa sekurang-kurangnya 30 hari berturut-turut dalam tempoh 1 Januari 2019 hingga 18 Disember 2019.

TERHAD

PESARA

11. Bantuan Khas Kewangan Tahun 2019 kepada pesara UMT yang menerima pencen, penerima pencen terbitan di bawah undang-undang pencen dan pesara Skim Kumpulan Wang Simpanan Pekerja yang bersara paksa pada atau sebelum 18 Disember 2019 akan dibayar sebanyak RM250.00 oleh Jabatan Perkhidmatan Awam.

12. Pesara UMT yang dilantik semula secara *contract of service* dan masih berkhidmat pada 18 Disember 2019 layak diberi Bantuan Khas Kewangan Tahun 2019 sebanyak RM500.00 tertakluk memenuhi syarat berkhidmat sekurang-kurangnya 30 hari berturut-turut dalam tempoh 1 Januari 2019 hingga 18 Disember 2019. Pembayaran sebanyak RM250.00 akan dibuat oleh Jabatan Perkhidmatan Awam dan bakinya sebanyak RM250.00 akan dibayar oleh UMT.

PEGAWAI MENINGGAL DUNIA DALAM PERKHIDMATAN

13. Pegawai UMT yang meninggal dunia pada 18 Disember 2019 layak diberi Bantuan Khas Kewangan Tahun 2019 sebanyak RM500.00 dengan syarat pegawai telah berada dalam perkhidmatan sekurang-kurangnya 30 hari berturut-turut dalam tempoh 1 Januari 2019 hingga 18 Disember 2019. Pembayaran kepada mana-mana penerima pencen terbitan yang layak di bawah undang-undang pencen dan orang tanggungan³ sebanyak RM250.00 akan dibuat oleh Jabatan Perkhidmatan Awam dan bakinya sebanyak RM250.00 akan dibayar oleh UMT.

TARIKH PEMBAYARAN

14. Bantuan Khas Kewangan Tahun 2019 ini akan dibayar selewat-lewatnya pada 18 Disember 2019.

³ Orang tanggungan. Ertinya bagi pegawai berkahwin (i) balu kepada simati/ (ii) duda kepada simati/ (iii) anak kepada simati manakala bagi pegawai bujang, ibu kepada pegawai yang mati, atau jika ibunya telah mati, bapa tanggungannya.

TERHAD

TANGGUNGJAWAB PEMBAYARAN

15. Pembayaran Bantuan Khas Kewangan Tahun 2019 ini adalah menjadi tanggungan UMT.

TARIKH KUAT KUASA

16. Pekeliling Perkhidmatan ini berkuat kuasa mulai tarikh ia dikeluarkan iaitu pada 13 November 2019.

Disediakan oleh :-

Jabatan Sumber Manusia

Pejabat Pendaftar

Universiti Malaysia Terengganu

13 November 2019